

# Powšitkowne WOZJEWJENJA

njedźelu, 14. awgusta 2016

## Swójbne popołdnjo w Smochćicach

W Domje biskopa Bena w Smochćicach přeprašuja tutu njedźelu, 14. awgusta, na swójbne popołdnjo, kotraž so w 14 hodź ze swačinu zahaji. W samsnym času přijědzetej tohorunja wohnjowa wobora ze Słoneje Boršće a rjana kuča. Program z chórom „Bunte-Welt“ a klan-kodźiwadłom na jewišću započnje so w 15 hodź. Wšitcy su wutrobnje přeprašeni.

## Marije donjebjeswzaća w Róžeńće

Serbskorěčna Boža mša na swjedženju swjateje Marije donjebjeswzaća pónđzelu, 15. awgusta, w Róžeńće budže w 9 hodź. Wšitcy wěriwi su wutrobnje přeprašeni.

## Zapokazanje noweho biskopa Timmereversa

Na Božu mšu ze zapokazanjom noweho Drježdžansko-Mišnjanskeho biskopa Heinricha Timmereversa su wšitcy wěriwi sobotu, 27. awgusta, w 10 hodź. do Drježdžanskeje katedrale přeprašeni. Štóz w cyrkwi hižo městno njenańdže, změje składnosć, Božu mšu na Hrodowym naměsće na widejowej scěnje scěhować. Telewizija MDR tute kemše live přenjese.

## Z busom na zapokazanje noweho biskopa

Na zapokazanje noweho Drježdžansko-Mišnjanskeho biskopa Heinricha Timmereversa sobotu, 27. awgusta, w Drježdžanach pojedže tež bus Šmitec wozydłownistwa. Zajimcy měli so hač do pjatka, 19. awgusta, w Radworju pola Šmitec přizjewić, telefonowe čisło (03 59 35) 28 60.

## Zetkanje samostejacych w Smochćicach

Samostejacy ze serbskich wosadow su na swoje přichodne zetkanje wutoru, 6. septembra, w 14 hodź. do Domu biskopa Bena w Smochćicach přeprašeni. Zajimcy njech so prošu hač do srjedy, 31. awgusta, w redakciji Katolskeho Posoła přizjewja, telefonowe čisło (0 35 91) 55 02 12. Štóz chce wotewzaty być, njech to prošu zdžěli.

## „Płodaj lubosće stej miłosć a wodawanje“

Wšitcy člonjo wosadnych radow w Budyskim dekanacie a Towarstwa Cyrila a Metoda z.t. (TCM) su njedźelu, 4. septembra, na dalekubłanje k temje „Płodaj lubosće stej miłosć a wodawanje“ přeprašeni. Wone budže wot 8.00 do 10.20 hodź. na Chróšćanskej farje. Přednošk změje Elisabeth Neuhaus z Drježdžanskeho biskopskeho ordinariata. Tež dalši zajimowani su wutrobnje na tute zarjadowanje witani. Wobdžělnicy móža w 7 hodź. (serbsce) abo w 10.30 hodź. (němsce) njedźelnu Božu mšu w Chróšćanskej cyrkwi wopytać.

## Wulět serbskeje dekanatneje młodžiny

Lětuši wulět serbskeje dekanatneje młodžiny budže njedźelu, 11. septembra. Nadrobnosće so hišće wozjewja.

## **Zelowy swjedzeń w Klóštrje**

W klóšterskej zahrodze w Pančicach-Kukowje je njedzelu, 21. awgusta, tradicionelny zelowy swjedzeń. Ekumeniski nyšpor w 14.30 hodž., na kotrymž so zelowe kwěćele požohnuja, změjetaj kanonik Benno Schäffel z Drježdžan a serbski superintendent Jan Malink z Budyšina. Rjadniske sotry Božu službu sobu wuhotuja. Tež zelowe wiki so popołdnju přewjedu.

## **12. serbski swjedzeń we Wuježku**

Serbske ewangelske towarstwo přeprašuje sobotu, 20. awgusta, na lětnje pućowanje a serbski swjedzeń do Wuježka pod Čornobohom. Zetkamy so w 13 hodž. pola Krygarjec we Wuježku, číslo 31A, abo w 13.15 hodž. na parkowanišću mjez Splóskom (Pielitz) a Schönbergom. Po puću njech so kóždy sam ze swojeho nachribjetnika zastara. Po zwučenym wašnju přizamknje so pućowanju a swačini w 17 hodž. nutnosť ze superintendentom Janom Malinkom na Pawlikec statoku. Wot 18.00 hodž. předstaji skupina Podka z Drježdžan swój program. W bróžni budže bifej natwarjeny. Wutrobnje witani su tež wšitcy či, kotřiž chcedža hakle na nutnosť abo program přińć.

## **Notowy material kěrlušow za dujerjow**

Załožba za serbski lud je tele dny wudała zešiwk z kěrlušemi, kotrež je Jan Cyž za dujerjow wobdžěłał. Dohromady je to 101 kěrluš. Rjadowane su wone po swjedženjach w běhu cyrkwinskeho lěta a druhich skladnosćach. Na předań je notowy material – partitury a hłosy – w Budyskej Serbskej kulturnej informaciji.

## **Atraktiwne džěło w Domje swjateho Jana**

Při nowym poskitku spěchowanja duchownje zbrašenych pyta Dom swjateho Jana w Smječkecach žónske a muske fachowe mocy předewšěm z kwalifikaciju ergoterapeuta, fyzioterapeuta, hladarja a kublarja zbrašenych a podobne. Džělowe městna maja so hnydom abo po dorěčenju wobsadzić. Džělowy čas je mjez 8.00 a 17.00 hodž. Dalše informacije dóstanu zajimcy w Smječkecach pod telefonowym čislom (03 57 96) 88 61 11.

## **Dom swjateje Ludmile pyta pomocnicy**

Za Dom swjateje Ludmile w Chróšćicach pytamy dobrowólne pomocnicy, kotrež měli wobydlerjow starownje k Božej mši přewodźeć. Kemše su stajnje wutoru a štwórtk w 9.00 hodž. Witana je kóždy pomoc, tež jeničce na jednym dnju. Přizjewić měli so zajimče pola wjednistwa domu pod telefonowym čislom (03 57 96) 9 47 30. *W. Brězan*